

黃永武博士 主編

杜詩叢刊（第二輯）

讀杜詩愚得

（一）

台灣大通書局印行

杜詩  
叢刊

明、單復撰  
明、宣德九年江

讀

清华大学图书馆  
藏  
詩  
章  
刊本

愚得

(一)

(第二輯)

台灣大通書局印行

讀杜詩愚得自序

讀杜詩

讀杜詩

讀杜詩

讀杜詩

讀杜詩

余初讀杜子詩茫然莫知其旨意註釋者雖衆率多著其用事  
之出處耳或有指其立言之意者又復穿鑿傳會觀之令人悶  
悶至若杜子作詩之旨意卒莫能白深竊疑焉且近世咸重須  
溪劉氏評點杜詩家傳而人誦亟取讀之其開卷第二首贈李  
白詩曰野人對羶腥蔬食常不飽豈無青精飯使我顏色好劉  
評云野人所喜者蔬食第對羶腥故思青精飯耳余疑未解又  
望嶽詩曰盪胸生層雲評曰登高意豁自見其趣余益疑矣及  
觀評上韋左相入荒開壽域一氣轉洪鈞云頌相業多矣未有  
如此軒豁快意者余乃知須溪評大抵止據一時已見而言  
亦未明作者立言之旨意然頌相業實誤後學余於是屏去  
諸家註止取杜子詩反覆誦詠似略見大意亦未昭晰既又得

范德機氏分段批抹杜詩觀之恍若有得則向所謂莫知而可疑者始釋然矣於李杜子之詩皆發於愛君憂國之誠心且善陳時事度越今古世誦詩史至若父子夫婦兄弟宗婣朋舊間雖流離顛沛須尤曲盡其道自非杜子天資粹美學問該博其能若是乎故元稹氏謂詩人以來未有如子美者昌黎韓子亦曰李杜文章在光燄萬丈長信哉余於暇日輒取杜子長短句律詩讀每篇必先攷其出處之歲月地理時事以著詩史之實錄次乃虛心玩味以三百篇賦比興例分節段以詳其作詩命意之由及遣詞用事之故且於承接轉換照應處略為之說其諸家註釋之當者取之而刪其穿鑿傳會者庶以發杜子作詩之旨意云未知然否積久成帙留之中篋以與同志者商確題曰讀杜詩愚得蓋取愚者子慮必有一得耳非欲多上人也

讀杜詩愚得凡例

古劍單復 陽元讀

一重定杜子年譜以序次其詩且以見游歷用舍之實

一考究地理時事以著其當時所聞所見之實及用事之

一集諸家註釋或著其用事之出處或指其立言之來自

或說其作詩之旨意凡此皆取之若其穿鑿傳會及重複冗長者皆刪之

一愚得遺

朱子說經例通其所可通不强其所難通以

革穿鑿之弊

一愚得於長短古律詩放

朱子說詩騷賦比興例分段

以詳作詩命意之由及造詞用事之故且於承接相

應慶略提撥其緊要字面

杜子世系考

預 字元 當陽侯

尹 字世甫 晉襄陽太守

緜 字弘 朝請

襲

標

冲

洪泰

顯 祖

升 某

某

某

易簡

景仲

某 隋河內郡 獲嘉縣令

依藝

唐監察御史河 南府鞏縣令

審言

修文館學士尚 書膳部員外郎

升 京兆府 開 奉天令

穎 字美 南子

宗武

宗文

嗣業

按唐史記世系表襄陽杜氏出自晉當陽侯預少子尹字世甫  
晉弘太守二子緜彌緜字弘固奉朝請生襲襲生標標生冲冲

生洪泰洪泰生二子祖顥顥生景仲 又按唐舊史杜易簡傳

云易簡襄陽人周硤州刺史林昆曾孫從祖弟審言次子閑閑

生甫 又按公誌姑萬年縣君墓云曾祖某隋河內郡司功參

軍獲嘉縣令王父依藝唐監察御史洛州鞏縣令考審言修文

館學士尚書膳部員外郎 又按公傳云曾祖依藝終鞏令祖

審言終膳部員外郎父閑終奉天令 又按元微之誌公墓云

晉當陽侯十世而生依藝及公祭當陽君文曰十三葉孫據此

則自當陽侯八世至景仲林昆於景仲為兄弟易簡審言出於

昆下獲嘉乃林昆之子是為公之高祖 又按杜氏本襄陽人

後徙河南鞏縣至公時又居京兆之杜陵豈依藝為鞏令故徙

河南閑為奉天令故徙杜陵邪然則公實生於杜陵公母鄭氏

生母崔氏子宗文小名熊兒宗武小名驥子孫嗣業宗武之子



也。又按公集中詩題有穎觀豐占皆公身也。又有從弟位姪佐從姪。勤從孫濟崇簡則未詳所出。

按元稹誌公墓云。審言生開。開生甫。甫為奉天令。文公本傳云。父闕。終奉天令。及考公代。并父。終誌。苑陽太君盧氏。

墓云。障氏所生。適曰。故朝儀大夫。苑州司馬。次曰。升。幼辛。報復父讎。國史有傳。且此誌有三。某字。如。解。韓。某。友。謂。

親。諱也。其曰。故諫議大夫。苑州司馬。者。意。開。嘗。為。奉。天。令。

而。終。於。充。州。司。馬。耶。史。及。墓。誌。蓋。失。考。耳。豈。開。為。奉。天。令。

特。編。置。卷。端。次。於。往。昔。十。四。五。出。遊。翰。墨。場。之。後。無。疑。矣。

唐杜工部墓誌銘

元稹微之撰

叙曰。余讀詩。至杜子美。而知古人之才有。所摠萃焉。始堯舜。君臣以賡歌相和。是後詩人繼作。歷夏殷周千餘年。仲尼緝拾。選練取其干預教化之尤者三百篇。其餘無聞焉。騷人作而怨憤之態繁繁。猶去風雅日近。尚相比擬秦漢以還。采詩之官既

廢天下俗謠民謳歌頌賦曲度嬉戲之詞亦隨時間作至漢  
武賦柏梁詩而七言之體興蘇子卿李少卿之徒尤工為五言  
雖句讀文律各異雅鄭之音亦雜而詞意闊遠措事言情自非  
有為而為則文不妄作建安之後天下文士遭罹兵戰曹氏父  
子鞍馬間為文往往橫槩賦詩故其通文壯節抑揚怨哀悲亂  
之作尤極於古晉世風槩稍存齊宋之間教失根本士子以簡  
慢矯飾舒徐相尚文章以風容色澤放蕩精清為高蓋奔馬性  
靈流連光景之文也意義格力固無取焉陵遲至於梁陳淫艷  
刻飾佻巧小碎之詞劇又宋齊之所不取也唐興學官大振歷  
世之文能者互出而又沈宋之流研練精切穩順聲勢謂之為  
律詩由是而後文變之體極焉然而好古者遠近務華者去實  
效齊梁則不逮於魏晉工樂府則力屈於五言律切則骨格不

存開暇則纖穠莫備至於子美蓋所謂上薄風雅下該沈宋言  
奪蘇李氣吞曹劉掩顏謝之孤高雜徐庾之流麗盡得古人之  
體勢而兼昔人之所獨專矣如使仲尼考鍛其旨要高不知圖  
其多乎哉苟以為能而不能無可無不可則詩人以來未有如  
子美者是時山東人李白亦以奇文取稱時人謂之李杜余觀  
其壯浪縱恣攝去拘束模寫物象及樂府歌詩誠有差肩於子  
美矣至若鋪陳終始排比聲韻大或千言次猶數百詞氣豪邁  
而風調清深屬對律切而脫書凡近則李尚不能歷其藩翰况  
壹與乎予嘗欲條析其文體別相附與來者為之準特病癩未  
就爾適遇子美之孫嗣業啓子美柩之襄附事於偃師途次于  
荆楚雅知予愛言其大父之為文拜予為誌辭不能絕予曰係  
其官闕而名其卒葬云係印晉當陽成侯姓杜氏下十世而生

依藝令於鞏依藝至審言審言善詩官至膳部員外郎審言生  
閑生甫閑爲奉天令甫字子美天寶中獻三大禮賦明皇帝  
之命宰相試文善授右衛率府胄曹屬京兆亂步謁行在拜左  
拾遺歲餘以直言大官出爲華州司功尋遷京兆功曹劼南節  
度使嚴武狀爲工部員外郎參謀軍事掇又棄去偏舟下荆楚  
間竟以寓卒旅殯岳陽享年五十有九夫人弘農楊氏女父曰  
司農少卿怡四十九年而終嗣子曰宗武病亦克夔歿命其子  
嗣業嗣業以家貧無以給喪收拾乞旬焦勞晝夜去子美歿後  
餘四十年然後卒先人之志亦足爲難矣銘曰維元和之癸巳  
粵某月某日之佳辰合窆我子美於首陽之山前嗚呼千載而  
下曰此文先生之古墳

有考異  
年譜內

唐書文藝傳

端明殿學士宋祁奉勅撰

杜審言字必簡襄州襄陽人晉征南將軍頽遠裔擢進士爲隰城尉恃才高以傲世見嫉蘇味道爲天官侍郎審言僂判出謂人曰味道必死人驚問故答曰彼見吾判且羞死又嘗語人曰吾文章當得屈宋作衙官吾筆當得王羲之北面其幹証類此累遷洛陽丞坐事貶吉州司戶參軍司馬周季重司戶郭若訥構其罪繫獄將殺之季重等酒酣審言子并年十三袖刃刺季重於座左右殺并季重將死曰審言有孝子吾不知若訥故誤我審言免官還東都蘇頲傷并孝烈誌其墓劉允濟祭以文後武后召審言將用之間曰卿喜否審言舞蹈謝后令賦歡喜詩歎重其文授著作佐郎遷膳部員外郎補龍朔坐交通張易之流峯州入爲國子監主簿修文館直學士卒大學生李嶠等奏請加贈詔贈著作郎初審言病甚宋之間武平一等省候何如

谷曰甚為造化小兒相苦尚何言然吾在父壓公等今且死回  
 大慰但恨不見替人云少與李嶠崔融蘇味道為文章四友世  
 號崔李蘇杜融之亡審言為總服云後祖兄易簡九歲能為文  
 長博學為岑文本所器擢進士補渭南尉咸亨初歷殿中侍御  
 史嘗道遇吏部尚書李敬玄不避敬玄恨召為考工員外郎屈  
 之而侍郎裴行儉與敬玄不卒故易簡上書言敬玄罪敬玄曰  
 襄陽兒輕薄乃爾目奏易簡險躁高宗怒貶開州司馬審言生  
 子開生甫

甫字子美少貧不自振客吳越齊趙間李邕奇其才先往見之  

 按公誌 荊陽太君盧氏墓云 薛氏所生子適曰某次曰升  
 幼卒 振復父讐國史有傳文公誌 義始萬年縣君杜氏墓  
 云兄升 國史有傳 緒紳之士 諱為孝童今唐史云 審言子  
 并年十三 襄刃刺季重 蘇題 傷并孝烈 誌其墓 劉允濟 祭  
 以文據 公二誌 皆作升 而史作并 蓋并升二宅 形聲  
 相類 必有一誤 併記於此 以俟 博識者 其是正焉

舉進士不中第困長安天寶千載玄宗廟獻太清宮嚮廟及郊  
南奏賦三篇帝奇之使待制彙賢院命宰相試文章擢河西尉  
不拜改右衛率府胄曹參軍數上賦頌曰高自稱道且言先臣  
恕預以來承儒守官十一世迨審言以文章顯中宗時臣賴緒  
業自七歲屬辭且四十年然衣不蓋體常寄食於人竊轉死  
歿溝壑伏惟天子哀憐之若令執先臣故事拔泥途之久辱則  
臣之迷作雖不足鼓吹六經至沈麟頓挫隨時敏給楊雄校梟  
可企及也有臣如此陛下其忍棄之會祿山亂天子入蜀甫避  
亂三川肅宗玄自鄜州羸服欲奔行在爲賊所得至德二載云  
走鳳翔上謁拜左拾遺與房琯爲布衣交琯時敗陳陶斜又以  
容童廷蘭罷宰相甫上疏言罪細不宜免大臣帝怒詔三司雜  
問宰相張鎬曰甫若抵罪絕言者路帝乃解甫謝且稱琯宰相

子少自樹立為醇儒有大臣體時論許瑄才堪公輔陛下果委  
而相之觀其深念主憂義形於色然性失於簡酷嗜鼓琴廷闈  
託瑄門下貧病昏老依倚為非瑄愛惜人情一至玷污臣歎其  
功名未就志氣挫衄陛下棄細錄大所以冒死稱述涉近評  
激遠忤聖心陛下赦臣百死再賜骸骨天下之幸非臣獨蒙然  
帝自是不甚省錄時所在寇奪南家寓鹿彌年轄窶孺弱至斂  
死曰許甫自往省視後還京師出為華州司功參軍關輔飢輒  
棄官去客秦州負薪采橡栗自給流落劔南結廬成都西郭石  
楠京兆功曹參軍不至會嚴武節度劔南東西川往依焉武再  
帥劔南表為參謀檢校工部員外郎武以世舊待甫甚善親詣  
其家甫見之或時不巾而性褊躁傲誕嘗醉登武床瞪視曰嚴  
挺之乃有此兒武亦暴猛外若不為忤中銜之一日欲殺甫及



梓洲刺史章彝集吏於門武將出冠鈞于簾三左右白其毋奔  
救得止獨殺彝武卒崔旰等亂甫往來梓夔間太曆中出瞿唐  
下江陵泝沅湘以登衡山因客耒陽游嶽湖大水遽至涉旬不  
得食縣令具舟迎之乃得還令嘗饋牛炙白酒大醉一夕卒年  
五十九甫曠放不檢好論天下大事高而不切少與李白齊名  
時號李杜嘗從白及高通過汴州酒酣登吹臺慷慨懷古人真  
測也數嘗寇亂挺節無呀汚爲歌詩傷時撓弱情不忘君人憐  
其忠云

贊曰唐與詩人承陳隋風流浮靡相矜至宋之間沈佺期等  
研揣聲音浮切不差而彌律詩競相沿襲逮開元間稍裁以  
雅正然恃華者質反好麗者杜遠人得一槩皆自名呀長至  
甫渾涵汪洋千變萬狀無古今而有之它人不足甫乃殿餘